

勅命 令

臨時大總統令

民國肇建以來各省政令猶仍用一時權宜之制以是籌裕民生謀復秩序事非易易現今統一政府完全成立凡內外百司職權所在責任宜明所有各省都督軍警長官及地方官吏既以保民爲專職卽以定亂爲考成使法出不信令出不遵則亂日以滋民日以困安危存亡機決於此自今以往各機關以次完備各法令以次實施不得自爲風氣各顧其私設有阻撓侵越致妨大局是爲人民之公敵卽爲國法所不容若復姑息遷延養癰成患辜負國民付託之重其何以對天下應責成各省都督軍警長官及地方官吏宣布斯意申儆邦人毋畏強禦毋侮鰥寡庶幾公道日明人心向善民國之基得以鞏固本大總統受五大族公同推舉際此時艱惟不能稱職是憂夙夜軫念惟在民生未敢博寬大之美名而釀隱忍之實禍也此令

中華民國元年四月二十三日卽壬子年三月初七日

大總統蓋印 唐紹儀胡惟德趙秉鈞段祺瑞蔡元培宋教仁施肇基署名

臨時大總統令

各省選舉參議員迭經通電並限期辦竣現據報到者尙無多人飭各省都督行文省會已經選定者迅卽起程未經選定者遠行選舉均限於電到五日內將起程及選舉日期由電呈報此令

中華民國元年四月二十三日卽壬子年三月初七日

大總統蓋印 唐紹儀署名

陽歷四月二十五日即壬子三月初九日

臨時大總統令

任命顏惠慶爲外交次長此令

中華民國元年四月二十四日即壬子年三月初八日

大總統蓋印 唐紹儀胡惟德署名

臨時大總統令

任命陳懋鼎唐在復吳爾昌戴陳霖爲外交部參事王廣圻爲外交部秘書長饒寶書施紹常

陳籙富士英爲外交部司長此令

中華民國元年四月二十四日即壬子年三月初八日

大總統蓋印 唐紹儀胡惟德署名

通行文件

內務部遵諭通飭各直省速將共和大義撰成白話告示遍貼鄉閭以開民智文 附原呈
爲通行事奉

大總統諭據郭葆昌呈稱國體變更鄉愚誤會請將共和大義撰成白話告示遍貼鄉閭等語交內務部迅速籌辦等因並原呈抄交到部方今民國成立五族大同蚩蚩之氓安喻斯旨若不剴切宣諭深恐疑誤橫生中國地方遼闊各直省風氣不同方言各異亟應由各直省都督迅飭各州縣民事長按照各處方言妥擬白話告示遍貼村鎮庶幾共和大義家喻戶曉相應抄錄郭葆昌原呈通行各直省都督都統轉飭所屬一體迅速遵辦可也

原呈

敬稟者 葆昌 請假三日歸里省親抵定興後城鄉親友爭相來談僉以時局爲問題士紳之家咸曉然前清政治積弊太深

大總統此次煞費苦心始成共和國不致被人瓜分淪爲奴隸無不額手稱慶喜現於色其一般鄉間務農之夫於世局茫然不解一聞共和莫知所措更相疑慮更相誤會有謂現在國無皇帝卽無王法何分皂白有謂京津保定均被搶劫皆係無皇帝管束之故有謂世事亦變我輩惟有坐以待斃然我輩亦不敢搶人又有謂既無皇帝既無糧稅完糧納稅繳與誰人種種不經之談充塞盈耳愚頑之狀睹之可憫更有不安本分之輩游手好閒之徒平日桀黠武斷鄉里詭知京津保之亂謂無帝無法搶人財物無人過問皆蠢蠢欲動前者張令正法三人地方鎮靜然似此日久地方何堪其糧稅不能暢輸而地方官辦公無需勢必束手無策恐土

陽曆四月二十五日即壬子三月初九日

匪之自由行動將層見迭出也葆昌兩日以來口陳指畫愚者百說而不解詰者羣笑以爲誑查看情形似宜以開通民智解釋民疑爲要蓋彼輩並不知大總統之位爲何位事爲何事終日以無皇帝爲慮服從專制之習一時不能改不知共和國體亦先重服從定興一邑如此北數省之民可隅舉也若冀人之明白共和大義似宜撰成白話告示由北數省都督發交藩司轉各府州縣仍循舊例辦理其有目前實行便民之策者即將命令用白紙刷印蓋印如前清之謄黃然遍貼鄉閭蓋愚民識淺目前有益卽爲善政因勢利導莫此之便如此由淺入深再得良有司以治之將咸知共和之政策矣惟談變法者動輒舉舊制而一反之卽皮毛細事亦悉數更張往往啟愚民以驚疑反多擾累昔者民可使由不可使知今則民可使知不可使由勢必先使之知而後可使自由否則無意識無道德之事畢見矣譬之登高及卑必緩步以趨層折而下一落千丈未有不傾墮也葆昌目見桑梓情形甚爲可懼一得之見不敢緘默又以昨日面呈未能詳達是以繕陳

大總統鈞聽是否有當伏乞鑒核祇遵郭葆昌謹呈

報 告

度支部收到愛國公債數目單

- | | |
|------------------|----------------|
| 繕房三等侍衛治昱慶廣 | 又藍翎侍衛文恆恩龍恆祿五元 |
| 內務府堂筆帖式恩桐五元 | 又郎中增浚候補筆政恩樹五元 |
| 又御茶膳房二等侍衛尙膳正永福五元 | 又三等侍衛尙膳副德秀五元 |
| 又二等侍衛尙膳正吉瀟五元 | 又頭等侍衛維康二十元 |
| 又正白旗副內管領恩慶五元 | 又郎中鴻斌五元 |
| 又增秀十元 | 又員外郎常志五元 |
| 又頭班侍衛永順十元 | 又三等侍衛福泰十元 |
| 又藍翎侍衛景盛十元 | 又筆帖式那盛十元 |
| 又榮培五元 | 又栢唐阿雙泰五元 |
| 又庫掌福祿五元 | 又栢唐阿輯瑞五元 |
| 又延蔚麟智廣福五元 | 又文貴永林永義十元 |
| 又員外郎英紳五元 | 又筆帖式廣祿等五元 |
| 又副內管領英連五元 | 又御茶膳房筆帖式錫增五元 |
| 又郎中文明五元 | 又定杰五元 |
| 又員外郎濟良五元 | 又繼銳五元 |
| 又庫使英志副司庫扎克丹五元 | 又副司庫榮鈞庫使榮華五元 |
| 又無品級司庫恒志等五元 | 又候補六品司庫奎恩等五元 |
| 又慶成文瑞五元 | 又候補副司庫廣平德濬承源五元 |

陽歷四月二十五日即壬子三月初九日

又候補相唐阿清順文森廣明五元

又鍾定興等五元

又郎中文昭五元

又郎中增德五元

又郎中曾佑五元

又郎中鐵珊五元

又書膳房三等侍衛正總領長福五元

又候補郎中文彬五元

又郎中崇勳五元

又候補筆政毓山十元

又北庫頭目韓英陸等五元

又張德馨等五元

又員外郎械興五元

又員外郎增紱五元

又廣儲司主事曾保五元

又造辦處筆帖式定超五元

又御膳房庖長雙壽五元

又英良五元

又造辦處庫掌順慶二十元

公 啓

參議院公啟

敬啟者本院現已移至北京象房橋凡各省參議員續到者請逕向本院秘書廳報到可也此
布

參議院謹啟

七

